

宋詩紀事補遺

宋詩紀事補遺卷之七十五

歸安陸心源伯剛父輯

蕭澥

字汎之自號金精山民有竹外蛩吟稿案金精
山在贛州寧都縣道書三十五福地也澥蓋贛
之隱者

寫樂府昭君怨後

古今題品幾詞人莫怨邊風兩鬢塵不是丹青曾汝
誤琵琶到老一宮嬪

昭君詞

琵琶馬上去躊躇不是丹青偶誤渠會得吳宮西子
事漢家此策未全疎

江上冬日效石湖田園雜詠體

溪落洲荒水半篙枯楊兩岸冷蕭騷田家豫辦來年
事加得陂頭一丈高

紹定庚寅紀事

民困饑寒爲盜賊卻從樂處弄干戈大都郡邑初輕
視不剪柔桑煩斧柯

稻梁平地寇難防到處搬爲塞上糧路險林深多脫
穀東風綠偃滿山秧

桑柘原頭綠正肥
巢林春燕引雛飛
前村不復炊煙起
長是清明寒食時

山花依舊發新叢
溝澮池塘水自通
前日人家無閒斷
頽牆破竈草萊中

風動綠林千里亂
星垂黑氣萬家災
可憐墮在如今劫
人禍天刑先後來

常山舟中

兩岸人家峙兩樓
中間一水過行舟
倚篷碎擘桃花片
亂擲江心試急流

過東平悼曾英甫

前時來客此山居同醉梅邊酒幾壺不道後來成死
別影堂冷落一燈孤

亂後過隆教寺

紙窗破碎網蜘蛛古鐵香爐灰半無吟得詩成無筆

在閒尋枯炭壁間書

江湖後集

楊梓

福建長溪人迪功郎悅堂先生楫之父見後村
集

句

擊甌樓在碧江隈樓下江聲寂寞迴

輿地紀勝

蕭元之

臨江人有鶴皋小藁

送郡守張宗丞

淮漢秋風起邊聲不可聽九重選良牧內地著郎星
土沃桑麻長荒城樹草青民居多近水一一是江亭
送季庸奉祠歸里

昭代昌文化無人歎陸沈諸公自才傑吾道正山林
紫蓋三年綠滄波萬里心長安豈無路塵起汗瑤簪
別趙李曹

連幕皆佳士如君淡素何圖空公事少官滿薦書多

憂國關豐歉籌邊定戰和艱難別知己吾道欲滄波
相別日雖淺相期意獨深那知成遠別何以慰孤吟
旅雁蘆花浦啼猿楓樹林明朝應此念把酒亦愁心

聞德音入蜀

蜀山萬里外聖主得遙聞歸使愁無路遺黎泣見君
千年文物郡百戰虎狼羣才退慚司馬無因寫檄文

行子

行子家何處征帆楚岸開滄江還幾曲白鳥忽雙來
別酒寒衝醒輕舟浪打回孤懷正牢落更聽暮猿哀
清明省掃歸舟陸相半

一徑險仍脩沿溪去未休薜蘿春暗樹楊柳暮遮樓
蕩槳漁舟駛寒鐘僧寺幽倚蓬除濁酒猶可洗詩愁

傷盧長史居

昔年傳得文標集每對青燈一起予偶訪袁人尋古
事舊時居處已民居

還西里所居

北闕無書休悔出東臯有秫可歸耕鏡容漸改驚非
昔獨喜傍人喚後生

江湖後集

丁叔巖

湖南人戴復古石屏人有集丁巖仲新樓詩疑

卽其人

浯溪

相去祁陽五里餘，江爲谷斷爲溪河。
南刺史老文學石上，眞口健筆題風月。
滿堂無地著雲烟，半壁與天齊。
英雄說著唐朝事，淚灑長安蜀道西。

沅湘耆舊傳

劉子寰 屬有

贈寫神陳光甫

寫照無因畫隱微，不差毫髮似君稀。
正須着我巖石底，是殆見我神氣機。
行到逼真人却惡，精於懸鑑物難違。
朱鈇莫惜饒顏色，眾目不求公是非。

不論道兒與天形纔入毫端便逼真幻出千般人面
目只憑一點自精神雲臺人去丹青歇月鑑方來事
業新寢陋可能當審象且將粉澤付斯人

截江網

邱程

字憲古富沙人

句

易理分明在畫中

又

不知畫意空箋注何異丹青在畫中

書錄
解題

呂祖儉

厲有

聽雨軒

玉筍參參好弟兄，幽軒共對短燈檠。
搏風萬里志將遂，聽雨幾年心獨清。
戲彩奉觴歡正洽，對床歌枕夢初成。
此時細細簷花落，別是一般風雨聲。

開化縣志

金沙臺

謫居無地寄幽懷，筠有高臺自漢開。
紫極晨光招我望，錦江春色逐誰來。
賡歌惟憶多炎裔，作賦應憐乏
賈才。人物若增山水勝，詩仙龍種兩奇哉。

高安縣志

王朝佐

疑駙馬王朝顯弟兄行

貞義女祠

瀨水何泱泱攜篋向水旁低頭事漂洗不惜涇羅裳
晨出未暮歸老母在高堂三十不願適焉知繡鴛鴦
道逢困丈夫行乞良可傷一飯婦女仁況有殘壺漿
終焉感禮義出祠何慨慷貞潔恐無知清流見肝腸
悲哉伍子胥百金何足償惟有鴟夷心可與增輝光

溧陽
縣志

楊灝

字商卿四川彭山人椿之父贈少傅

呈郡寮

道院由來不浪傳兩衙封印日蕭然絕無爭訟煩刑
禁贏得工夫弄簡編

山連吳楚周遭起水合湖湘洶湧來千里風煙同樂
國萬家歌吹共春臺

寒煙淡水茫茫六代纔如一夢長風月何嘗異今
古江山不管有興亡豪華事往人安在歌舞臺傾徑
就荒陳迹依然無處問野花幽草自芬芳

以上輿地紀勝

黃崇義

號澗西樂安人師事黃勉齋著有澗西文集

失題

澗水之西我所家結亭新借白鷗沙旋移騷國春風
木滿種陶籬晚節花陪客常留煨芋火課兒頻煮讀
書茶清波迥與黃泉隔一笑人生自有涯

撫州府志隱逸

劉昭

字圖南丹陽人

渡江

大江注東溟十月風濤壯舟人造養生奮臂衝奔浪
睠言君勿驚世路方難行若言世路險此水真安平

嘉定鎮江志附錄

湯模

字元楷金壇人工詩

遊練湖題甘露南莊壁

極目湖光裏招提萬頃田庭荒無馬跡木落見炊煙
今日山林畔他年香火緣煩師瀹春茗爲說小乘禪

嘉定鎮江志附錄

宋自適 厲有

贈畫士陳兄

解衣盤礴任猜疑神悟如狂又似癡學到却須堅自
守世間絕藝少人知

贈鑒齒道人

病欺年去故相加要害先攻兩輔車解后神工如掇
拾愧無樽酒對榴花

謝饋藥

投老如僧不出家羸軀無奈病相加頭旋似倚當風
柳目眩如看隔霧花高束詩書參素問盡拋琴劍學
丹砂舊時載酒今懷藥解識揚雄獨有巴

詠猿

生長樛桄紫翠間攀翻接手飲潺湲臥驚落葉霜華
重叫徹山空月影閑踟躕失身拘竹柵飄蕭飛夢繞
松關平生捷巧何由逞縮臂無言看遠山

以上截
江網

孫信臣

贛縣人

襄陽懷古

孔明高臥處龐統舊居時遇主龍方起逢辰驥莫追

輿地紀勝

墮淚碑

林掩羊公廟淵沈杜預碑

同上

孫直臣

贛縣人

延祥寺

雷雨隨車上寶坊僧誇山味最悠長地靈終日無塵
到天淨常時見海光神雀羽毛多隱晦臥龍頭角本
軒昂石樓本是通仙路十里香燈屬梵王

羅浮志

張朴

字從文仙居人咸淳元年進士祕書監丞

東嶺旋憩亭

出郭不一里相違已十年未知何日是還向此亭旋
鳥語雲根落桃花嶺上妍深慙頻作客鄉國莫留連

仙居
縣志

何揚祖

營道人咸淳元年進士

喬巖次韵題

石室何時霹靂開曾聽繡斧凱歌回詎知二百餘年

後復有旌旗笳鼓來

沅湘耆舊傳

李炳

江西永豐人咸淳元年進士

題康店鋪

短衣自獵南山見正好漁樵不亂羣妄以宿嫌誅醉

尉令人翻恨李將軍

泉州府志封域

李芮

字秀穎號夷白耒陽人咸淳元年進士官太常丞賜紫金魚袋

直釣巖

無械仙翁去巖垂直釣名重開茅葦塞仰見斗山明
便覺天光近從教俗眼驚登臨試一覽心目得雙清
沅湘耆舊傳

余謙一

字子同莆田人咸淳元年進士
州石井書院
山長擢太學博士知化州入元不仕

濯纓亭

湖光山色酒杯中此會那知一笑同風暖空巖落松
子雨晴新漲沒鳬翁隔林村落微茫見一逕禪房曲
折通老艾當年題品處斜陽無語想高風

莆田縣志

陳炤

字光伯無錫人咸淳乙丑進士官常州通判元
兵至常州矢盡破城死之事聞贈朝奉大夫直
寶章閣號稱肖梅先生

題北郭外前湯普濟庵

一尖龍舌地蘭若此中開曲徑深依竹荒池淺鑿苔
要令溪水接莫碍野雲來只恐菴居興難淹出世材

梁溪
詩鈔

蔣芸

字仁甫號芹澗咸淳丁卯解元上疏論賈似道
奸不報遂不就南宮試歸隱潭源宋社旣屋屢
徵不仕廉訪使余闕欲強起之辭以詩見開化
縣志

寄張道治

衰柳疎松對夕陽
老來秋思倍堪傷
已無上苑千葩
秀僅有東籬一捻黃
細誦佳章排宿恨
旋呼村酒縱詩狂
西風策馬能過我
老圃餘蔬尙未荒

辭薦呈余廉訪

耒耜生涯遠俗囂年來無夢到金貂
一池皓月口詩骨滿圃春風長藥苗
愧不漆身吞豫炭聊將洗耳棄山瓢
分甘投老潭源地爲謝雲箋莫見招

寄張霖溪

漫向潭源晦此身自嗟無地可投明
栽培勁節依巖翠採擷香芹遶澗清
避亂遣懷聊圃治論交且喜傍山行
何時並轡臨溪上靜聽飛泉萬壑聲

開化縣志

虞薦發

字君瑞其先丹陽人咸淳三年丁卯舉人癸酉

再舉官寧國縣令宋亡避地無錫因家焉自號
徽山老人以見志有文集雜著二十卷

憶梅

不見疎花久悽然恨滿襟相逢當歲晚一別又春生
冷落山中約淒涼月下心期君須待雪把酒候前林
劉斯立

江西安福人咸淳三年解試進士

垂虹亭

路隔臨橫鳥倦飛行人恐犯女星機長虹出浪無冬
夏老蜃浮空半是非兩岸履聲雲內合三州帆影月

邊歸闌干獨立秋風早豈待鱸魚始拂衣

吳都文粹續集

艾可叔

可叔字無可號臞山臨川人咸淳四年進士歷

官西臺中丞與弟蕙山弧山自相師友世稱三

艾先生入元不仕有文江講藝集

按通志可叔作叔可弟可

翁作憲可茲據艾氏家乘校正

浮梁金鰲山

鰲骨分明露淺洲登臨幾度泛虛舟人生天地蜉蝣
寄世事江河日夜流前後朗吟坡老賦逍遙終羨漆
園遊子眞谷口今成趣不爲紅塵枉白頭

晚秋歸自京

紅塵兩腳幾時休此度眞成浪漫遊
倦買夜船過釣瀨渴呼臘盞試龍游
菊前疏雨重陽信天際孤雲萬里愁
昨夜江頭鄉國夢已隨明月度西樓

樟鎮夜泊

醉却長年懶著篙聊依山市泊江皋
船收蒲席風初定人臥蘆花月正高
時有沙禽驚客夢厭聽櫓馬嘶空槽
曉來細雨秋烟濕意思三分是楚騷

臨江褒忠廟題

憶昔狼烽謀報忙空拳支敵出倉惶
齒寒誰解嬰城

守舌在公還罵賊亡秦伯早能憐楚使張君未必死
睢陽西風吹起英雄恨斷礎淒烟淚兩行

金陵晚眺

星移物換千年事虎踞龍蟠萬雉城歸巷烏衣秋縹緲
點州白鷺雪分明江分南北天爲限淮接東西地最平
目斷青峯是何處單于吹角暮雲橫

正月晦日西歸舟中作

宦情一片莫雲浮歸興雙溪春水流惜別長官携酒
盞送行詩友候津頭人方挾彈窺黃雀我不知機愧
白鷗數夕打篷風更雨併無明月載空舟

中秋風雨

一年佳節又虛逢
惱殺江湖白髮翁
滴夢欲殘蕉葉雨
吹愁不斷蓼花風
陰晴明晦天無準
離合悲歡態不同
聊買香醪作清賞
燭光閒對木犀紅

江南歸附後不仕述懷

舟在中流進退難
髮雖種種此心丹
死爲元亮終書晉
生是留侯本事韓
貧賤不憂知有道
亂離最幸是無官
歲寒誰似東籬菊
禁得投簪日日看

整裘袍

袍剪新藍襯淡黃
官宣粲粲照巾箱
倩人細熨波濤

蘇爲我重縫雲霧香入手雖輕榮賜重此身差短感
恩長微忱稱報慚無路空把山龍補舜裳

東上拜羅首墓

驛道百年墓征衣四世孫衝風行木葉藉雪拜松根
老覺貂裘敝貧惟鐵硯存倘徵先世福猶是醉邱原

窮達

窮達寧無分逢迎費折腰人情刻溪紙世事浙江潮
陳井和冰汲寒山帶雪樵子雲雖寂寞莊叟得逍遙

木棉

收來老繭倍三春匹似眞棉白一分車轉輕雷秋紡

雪弓灣半月夜彈雲衣裘卒歲吟翁暖機杼終年織
婦勤聞得上方存節儉區區欲獻野人芹

渡鑑潭望鄭宜之白雲別墅

小驅滿硤是塵埃逢好江山眼爲開賀老生涯鑑湖
曲希夷別墅白雲堆欲尋溪叟擎舟去却被山靈勒
駕回憶其吟邊曾有約夜深應晤抱琴來

以上江
西詩徵

鄧德秀

德秀字元實號秀山南豐人咸淳四年進士官
建府推官有秀山小稿

慈相寺

小橋橫過一溪長因訪梅花到上方山到盡時逢怪
石樓於高處帶斜陽殿經幾劫壁多壞碑刻前賢詩
數章三百年前鐘尚在可憐閱徧幾興亡

江西詩徵

變元圃

湘潭人咸洎四年戊辰進士歷官御史拜奉直
大夫

過錦灣望嶽亭

千載重來一凭欄光陰不改舊江山亭高下瞰龍藏
室天遠遙瞻虎拜班耕釣每懷生處樂馳驅未許老
來閒雄風入座披襟好靜看漁舟上錦灣

楊梅洲別墅

枯桑敗葉集寒鴉籬落芙蓉晚見花有客歸來新作
主釣魚灣處是生涯

沅湘耆舊傳

葛寅炎

字同叟號東泉天台人咸淳四年進士青田縣尉

題三易備遺

誰鑿混沌竅龍馬出澄淵篤生義文聖立極先後天
三三爻所演兩兩山之連不假人安排自有天渾全
咸陽烈焰起斯文獨不烟中更九師斷慘於秦火然

言湮道隨裂爾來千餘年皇乎鉅宋興奎聚五珠聯
天子圖出地復鍾二鉅賢門外儼立雪窩中閑弄丸
數加一倍法書得七分傳文後不爲後義先不爲先
嗚呼中天易鎖簧透黃軒厥數則用六是爲歸藏焉
觀象歷可紀聆鳳律相宣芸芸茁九地終至碩果堅
薛野馭未乳鼎湖龍已僊敦哉司徒氏而把五教權
滔滔祚其海始達溜涓涓韜光夏臺出撥亂南巢遷
執中亦建中道體無些偏義禮兩夾持以此裕我昆
姓別取諸子世號遠以干甲庚至丁乙天潢衍慶源
不幸辛也虐竟以甲子顛牝晨豔方煽太白旗已竿

衣寶炎炎裏道器俱無存仁哉爾王子獨抱祭器奔
想偕此書抱器完道亦完有客皓其馬歸作周之藩
俾食豫土毛一髮于鈞縣不然之宋叟胡此得坤乾
我知蒼蒼者寄道於不言孔也商之人宋也商之孫
茫茫宇宙闊斯道萃一門粵從兩楹夢寥寥絕韋編
淺者膠於卜深者痼於玄固哉房直日誕矣雄入泉
八工亮圖法百賈莊肆錢皮毛太初厯糟粕一行禪
天窗兩呼吸誰契希夷眠極根一靜動誰悟謙翁園
邵程又塵土河洛空齋漣翁固張之的晦乃彰之根
節彼鴈南蕩氣復合真元攢青華蓋卓湛碧芙蕖妍

石乳颺昏雨玉紅絢朝暎孕此古心子通身太極渾
香如梅月嚙朱浥花露研吉凶扣靈蔡消長聽啼鵲
寂慮那三晝遊神這一環六十六甲甲卦卦圓
仰接先天後俯超後天前中天此中興亞康節伊川
問君易何在庭草翠無邊

三易
備遺

范宜

一作
宜揖

豐城人咸淳四年進士官蘄州法曹

游虎邱

山奇水秀碧交加倚遍闌干眼力賒閣跨劒池飛突
兀路盤石壁轉欹斜日移高塔橋邊影風送疎鐘嶺

外家傑出人間清勝地老僧終日臥烟霞

虎邱志

丁易東

字用和龍陽人舉宋咸淳四年進士官翰林編
修宋亡隱于郡東黃龍坡建精舍曰石壇遠近
來學者眾郡守李彞憲使姚抑齋交薦皆不起
因授以山長賜額沅陽書院至元中常德郡監
哈珊仰其高風植松萬株幽雅爲一時勝所著
有周易傳疏梅花百餘律行世

田母拒金圖

噫噓噓人奔奔皆爲名利之所役賢反愚兮明反昏

夜却金兮尙高潔擇一錢兮義同頡萊蕪甑中塵撲
飛懸魚老子肝似鐵四公儼儼何不墨圖中但見齊
田稷蠹吏虧綱勿足誇特貌慈闈耀貞德奉君本欲
娛親喜阿母怒兮驚且媿若使當年一納間那得芳
名播青史主聖親賢臣滌衷公金賜嫗恩愛隆非獨
舍之罪不誅昭昭淳化揚仁風我披此傳重踟躕豈
獨田卿貪若斯謂語今人知不知偷安苟富誠何如
老萬翁志不渝費千金畜此圖此圖傳後世後世重

義輕金與

元詩選

梁棟

厲有

黃葵

乾坤有正氣間色皆爲臣名葩據中央紅紫誰敢隣
傾日不忘君衛足恐傷身冥然無知識忠孝出本真
林林天地間戴履而爲人明靈秀萬物孰不尊君親
嗟嗟叔季後利欲泯天倫邈哉望帝國產此瑞世珍
九夏不趨炎三月不爭春高秋風露冷孤標出清塵
背時還獨立攬芳淚沾巾

淵明携酒圖

淵明無心雲纔出便歸岫東臯半頃秫所種不常有
苦憾無酒錢閒卻持盃手今朝有一壺携之訪親友

惜無好事人能消幾壺酒區區謀一醉豈望名不朽
閒吟籬下菊自傳門前柳試問劉寄奴還識此人否

久雨有感

冥雲生入荒驟雨忽然至中宵揭屋破漏溼無處避
牀牀不得乾僵立見憔悴嬌兒莫號哭少頃待晴霽
少年不學稼老大生理拙入山採黃精窮冬一尺雪
虎狼正縱橫原野有白骨傷心重傷心吾饑何足恤
野水孤舟

前村雨過溪流亂行路迷漫都間斷孤洲盡日少人
來小舟繫在垂楊岸主人空有濟川心坐見門前水

日深袖手歸來茅屋下任他鷗鳥自浮沈

鳳凰臺

白髮久孤鸚武杯碧梧自老鳳凰臺管夷吾亦僅如
許李謫仙今安在哉城郭是非秋雨外江山形勝暮
潮來小留只等中秋月且放青冥萬里開

白鷺亭

荻花蘆葉老風烟獨上秋城思渺然白鷺不知如許
事赤鳥又隔幾何年六朝往迹秦淮水一笛晚風江
浦船我輩人今竟誰許只堪漁艇夕陽邊

雨花臺

孤雲落日倚西風
歷歷興亡望眼中
山入六朝青未了
江浮五馬憾無窮
客愁已付蒲萄綠
逕雨空餘瑪瑙紅
我亦欲談當世事
無人喚醒紫髯翁

題寅叔小園

深巷渾無市井喧
主人有客便開樽
數竿修竹三間屋
幾樹閑花一畝園
楚岫和雲移怪石
秦淮流月下高原
此身且比淵明樂
母在高堂子候門

贈嘉興徐同年

憶昔青龍在戊辰
馬蹄同踏杏園春
歸田令尹空書晉
執戟郎君盡美新
萬事不醒中酒聖
一貧無奈訟

錢神相逢莫效窮途泣自古求仁要得仁

春日郊遊和友人韵

憶昔東風御柳斜枯腸一日萬周車壯心難起泥中絮老眼羞看霧裏花巷陌幾家無主燕池塘一種爲官蛙江南寒食無煙火白晝沈沈似月華

登鎮海樓聞角聲

聽徵哀吟獨倚樓碧天無際思悠悠誰知盡是中原憾吹到東南第一州

題葉東叔賓月堂

人生自是人閒客月亦天邊寄此身彼此虛空無著

宋詩紀事
處誰歟是主復誰賓

以上沅湘
耆舊人

宋詩紀事補遺卷之七十五

門下士烏程縣學生員李延達校

朱詩紀事補遺卷之七十六

歸安陸心源伯剛父輯

汪韶

字東美號竹牖一名薦黟縣人咸淳四年進士

讀史

南北幾離合江山一古今秋風駝臥棘春雨燕巢林
家國興亡夢英雄勝敗心九疑呼不起愁絕暮雲深
演雅

布谷不耕不穡巧婦無褐無衣提壺不可挹酒絡緯
寧來貿絲

螺贏堯舜父子鴻雁魯衛弟兄鬪蟻膝薛爭長狎鷗
晉鄭尋盟

孫武

爲憂玩色墮軍實故假陳兵去二姬却恨此機深莫
悟後人不諫受西施

以上新安文獻志

姚雲

字聖瑞高安人咸淳四年進士官興縣尉

碧山二首

彭祖嶺頭春草生逍遙洞口暮烟橫分明半幅著色
畫何許黃鸝聞一聲

青蓮山下玉泉寒蒼耳香中養白鵝浪說來仙天地
外桃花流水只人間

瑞州府志

王珏

字叔寶號達觀臨海人初生時父夢人遺雙玉
故名咸淳戊辰進士授國子博士德祐丙子權
知台州伯顏南下與陳仁玉堅守力不能支投
池而死

空明洞

瑤草琪花半已空洞門寂寂自春風千秋隻鶴無時
返安得蓬萊有路通

臨海縣志

陳天瑞

字德修號南村臨海人公輔之後咸淳五年進士師事王魯齋爲金華令有能名宋末隱遁林壑詩文極高古有甲子文集五十卷世稱古堂先生

大暑松下臥起

炎威一何驕不有商飈慘蒼茫雲海路飛龍不可覽
我本灌園人昔乃從鉛槧萬事已灰心十載空嘗膽
亭亭松篁邊小池開菡萏芬清泥自污根固波徒撼
終日哦其間一臥寂百感相期晚節香看此秋容淡

臨海
縣志

大暑松下臥起

迅翻趨炎歊高標閟幽雅隱士何所營
芟之清蔭下故居禾黍生帡幪若大厦
熟臥南風邊飛夢游虞夏五絃天上鳴
擊壤歌滿野起來記遺音析薪有樵者
宋詩拾遺

盛明遠

吳江人咸淳六年舉於鄉任廣州錄事判官

書懷

溪山行自得松竹最相知避世逢天寶
編年問義熙

鳥馴時傍戶婢小亦吟詩薇蕨秋來少香生芋熟時

松陵詩
徵前編

汪瓊

字彥藻天台人咸淳六年攝祁陽令

元水部磨崖碑爲唐中興作也唐事已矣而
碑崖□□獨存本朝諸賢相與題詠如張宛
邱時有游人打碑賣之句□古一言□□□
□□不已況今打碑賣者壹豈漫郎宅畔零
陵諸孫自爲之□□□□也感天寶之駿
功嗟次山之墜緒□借宛邱所□實□□□

□□

淒涼渢水迹愛掃漫郎宅荒崖畔草雨淋日炙山骨
癭磨得人間歲月老粵從天地開闢來經濟何代無
奇才若得高名爛青史底恨白骨埋黃埃孽臣邊將
亂國紀郭公千載凜不死紀在中興第一功三絕寧
論文與字吁嗟古往而今來挿天何處無崖石兩京
未須百戰罷銅駝荆棘誰能開世事輪雲可悲慨文
字老生品何在君不見零落寒溪幾世孫自打元家

古碑賣

湖南通志
金石略

張鎮孫

厲有

水簾洞

在白雲山

岩堯仙境倚層邱百尺泠泠瀑素流春長綠莎成繡
幕夜留新月作瓊鉤澗邊雲護千年韭巖底涼生六
月秋欲訪安期何處覓藥爐丹竈且追遊

和御賜詩

聖主遊心六藝文先皇成憲自常遵天人親屈九重
問嶺海同歸一視仁已忝臚傳魁眾俊復叨燕衍逮
微臣終身祇佩丁寧訓遠到功名願自珍

粵詩蒐逸御賜狀元以下詩云臨軒再策
豈虛文要語詒謀敢弗遵昭格天心惟至
敬封培邦本在深仁詳延喜見洋洋對來
譽知爲蹇蹇臣始進便當思遠到會須華

國有
儒珍

白雲對月

萬山飛翠映瑤空一抹晴霞淡復濃何意海風吹下
斷歸鴉飛帶過前峯

夜過白雲話別

江城話別思依依天遠山青入望微正好樓頭其明
月可堪遙對白雲飛

遙看天際白雲浮渺渺西飛誰與謀歸去扶溪溪水
闊秋來還上越臺否

日乾夕惕自惺惺切實工夫在性情千古相傳真要

法聖賢元共此心靈

聖賢今古在吾人敬義功深德自鄰莫嘆桃源仙迹

香杖藜隨處武陵津

粵詩
蒐逸

許方

方號月巢餘干人咸淳七年進士

鬻孫謠

白頭老翁髮垂領牽孫與客摩孫頂翁年八十死無
恤憐汝孩童困饑饉去年苦旱穀未熟今年飛霜先
殺菽去年饑饉猶一粥今年饑饉無餘粟客謝老翁
將孫去淚下如珠不能語零丁老病惟一身獨臥茅

簷深夜雨夢回猶自悞呼孫縣吏催租正打門

江西詩徵

黎廷瑞

廷瑞字祥仲鄱陽人咸淳七年進士授迪功郎
肇慶府司法參軍有芳洲集

張良

博浪揮椎處惓惓報國仇如何銷印事獨不爲韓謀
夜坐

梧桐月轉影翩翩竹屋抄書夜未眠林下不知秋遠
近西風一葉墮燈前

湖上夜坐

露坐空庭竹四圍夜深更不掩柴扉茫茫雲海月未
上蒼耳滿園螢亂飛

平湖漠漠來孤艇遠樹冥冥見一燈翁媪隔籬呼稚
子岸頭猶有未收罾

雨後過東山

羸驂破帽約輕寒破費春風半日間一事無成年四
十又隨花柳過東山

戊寅人日

滿飲東風酒悠悠自醉眠英雄悲往運兒女樂新年
楊柳嬌無賴梅花老更妍半窗晴日晚欹枕聽春鶯

故宮

麥飯苦經營桑田許變更
鐵鴉啼古井獨鶴下荒城
落日關河迴東風草木榮
蒼蒼十二檜顏色尙承平

過鎮巢

過盡黃蕪岸開橋小雨時
城居懸似燕山勢縮如龜
歲旱圩田薄天寒土屋宜
呼童沽白酒巢口賽新祠

答客問

錫號脩間客山中管白雲
自稱前進士人喚故參軍
花影供吟課茶香策睡
勛客來談外事去去不煩君

樂平樊主簿捧檄北行來
別賦此奉餞

增字心空碎清寒節太高無人相料理惟我獨賢勞
萬里隨歸雁孤帆渺莫濤歸期應不遠新月照梅梢

金陵歲晚

不擬殘年住秣陵摩挲臘屐笑平生茫茫去雁雲千
里渺渺疏鐘雨一城天地無情摧歲月古今何物是
功名梅邊且喜春風近痛飲挑燈坐到明

思歸

目斷飛雲思黯然獨攜樽酒杏花前清明寒食能多
雨白下長干又一年萬里風沙憐雁去滿村桑柘憶
蠶眠家書寫就無歸使欲問江頭上水船

九日雨遊薦福寺

小淪孤亭興未闌
共爲長歲坐蒲團
半林空翠濕晴露
滿院秋香吹晚寒
弔古并捫碑字讀
好奇更借藏經看
歸舟莫笑清狂絕
得句從來勝得官

古離別

迢遞君遠遊
纏綿妾孤傷
年年望君還
悠悠空斷腸
我願陵成江
有車不得襄
江復變爲陸
無水通舟航
成江路還通
變陸路更長
安得微賤軀
乘風墮君傍
化爲舟與車
載君還故鄉

團團素明月
隱隱流前除
卷帷對孤影
涕泗沾羅幃

念我玉關人此心知焉如何方得靈藥托身爲蟾蜍
懸光萬里天往尋君所居君坐照君席君行逐君車

道傍兒

落日古道傍依依聞哭聲云是田舍兒垂髫纔九齡
前母久已沒後母無復情饑寒夙所更驅役不得停
甫過南山樵又督西疇畊蚤汲或至晏夕春恆達明
曾何少懈怠動輒遭笞刑班班膚無完恍恍神不寧
命也可奈何怨辭安敢形但願後母心回慈念孤生
遲我齒力壯與母供使令余聞重歎息爲汝雙涕零
憑誰絃履霜彈與汝母聽

陪外舅謹齋泊雅山準軒三吳先生遊西園
摘新茶汲泉煮之香味殊勝焙者

雲根得奇草金芽擷芳鮮石鼎生古澗松風語寒烟
雖微龍鳳製而得雨露全玉塵飛素濤信美非其天
臨風勿浪啜侑以離騷篇

夜泊彭蠡風大作

卸帆月欲墮泊岸風轉急金沙傳鐵箭飛霰霰瓊粒
重湖太古水帝遣龍下吸潛鱗失故穴蒼黃望舟入
甯知政坐窘衾裘盡沾濕慌慌中夜起莽莽百憂集
披衣視雲漢慘淡天一笠頗疑廬阜倒三嘆救何及

平明笑推蓬五老猶壁立

村居晚思

清風起層陰涼雨放疏點
眾木鬱蒼然芳草綠萋萋
山深無來轍寂寞荆扉掩
念遠悵悠悠殘陽在西崦
次韻吳推翁秋懷

蟋蟀鳴空堦
疊疊昏達曙
感此不成眠
推枕覓長句
物情欣得時
嗟我獨不遇
悠悠經世心
歲晚付農圃
長歌幽七月
掩卷泪如雨
微蟲亦見錄
老我吟謾苦
周公不可夢
哀哉弗如汝

憶昔登王畿
花柳春爛爛
芳年親與朋
美酒夜復旦

參差隔世路荏苒歲華晏荒池芳草平廢殿濕螢暗
念當弔陳迹警以鑄門限仙人詠城郭釋子說夢幻
宇宙幾秋風悠悠復何嘆

蒼茫遺二老

謹齋
準軒

俯仰近十秋松栢摧高岡鳳麟隱

蒼洲吾道遽如許斯人安可求當年西門路感涕吟
山邱矧我於韓門忝與李漢儔遺文念當序舉筆心
先愁歲寒賴有公名節姱以修願言愛體素一柱迴
狂流天倫豈不傷天運良悠悠

西風吹梧桐一葉墮寒玉飄飄轉千厓疊疊侵萬木
霜露行復降雪霰飛相逐幽居感時運清夜理商曲

堅冰信當辨，昊天有反復。但使根本在，陽回奚待祝。
鄙人嫪光景，纖豔不足錄。焚香對秋山，自取周易讀。
溪上桑葉螢食已，旣今年蠶事頗落寞。

沿溪十畝桑，綠葉敷且腴。朝採不盈筐，暮視惟空株。
乃知飛螢來竊食，無復餘汝飢。旣云饜蠶飢，當何如。
豈挾照書勞，我困正在書。喫衣諺所笑，見東坡志林思炙

計復虛僮奴。日捕拾囊獻，如囚拘塵編。眊難覩乾死，
氣亦舒政爾。可得盡一笑，清霜初情霜。幾時來，我亦
寒無襦及時。且封漑暘哉爲後圖。

泊三江口

潮寒聞雁聲夢響見虎跡眼中無故人莽莽欲誰適
當年此防秋築壘如鐵壁哀哉不崇朝遽此陵谷易
土道蝕殘碑沙草埋折戟林墟稍亦集農畝猶未闢
人心嗜新樂疇復念曩昔亭亭千尺塔獨立蒼烟碧
稽首塔中仙此心如鐵石

贈姜卜隱

君家鼻祖蟠溪釣何人爲卜非熊兆君是蟠溪幾代
孫無人卜君君卜人自言避世歸人境焚香下簾春
晝永豈無龍韜老渭濱英雄自惜多沈淪倘有獵者
從君卜但說後車狐兔逐

丙申上元喜晴孤坐感懷二十韻

少年意氣凌嵩華尙記京城逢午夜璧月瓊枝彩鳳
飛銀花鏤鎖金鰲跨樓臺上下沸笙韶巷陌東西暗
蘭麝蒲樽百萬不供擲美酒十千寧論價狂遊但恐
星河曙醉臥不知風露下悠悠人世半悲歎忽忽天
時更代謝蟻國驚心城郭非蜃樓轉眼烟雲化微生
幸爾脫干戈暮年聊比依桑柘每當佳節強逢迎忽
思往事還驚咤新年半月雨不止此夕一晴天所借
草市萋萋村鼓鬧竹簷爛爛華燈掛顛狂社舞喧戲
劇落魄儒冠寄嘲罵亦知陋俗多浮薄尙喜疲氓少

閒暇先生清坐懶出門諸少並游唯守舍雖無蠶蠟
千炬圍猶有殘梅一枝亞孤燈隱隱耿相照疏影離
離淡如畫劃爾喧風撲短檠炯然霽月明虛榭百念
無營冷似灰一聞有味甘如蔗已拚暮境漁樵侶獨
憶平生詩酒社白雲靄靄隔江山可惜無人談舊話

彭蠡阻風

元雲如墨沙如箭陽侯擊鼓飛廉扇穹龜帶甲魚負
劍萬怪騰空助龍戰廬君玉立金芙蓉笑我塊坐如
樊籠子胡不來此山中與子跨鶴蓬萊宮江流茫茫
去不息嗟我棹往何終極靈君如願倘可乞但覓金

丹生羽翼

朱可紹去秋許樓觀明年夏當見寄今及期
矣輒以詩請

寥陽宮殿老夜叉九頭獐獐髮髭髭朝暮拔木不滿

數謫守鳳山山下花

鳳山可紹先公
謫陵王尚書堂

忽生蟻虱若魚

子秋風透頂櫛復爬夫君豈粥居士屨履聲漢代尙

書家不嫌汝髮汚我趾結鞋遠勝蕭與麻煌煌火輪

照萬野恨不赤腳踏雪車世間襍穢獨何事黃塵沒

髀汗透鞢老夫兩鬢亦蕭颯謝去桐帽便烏紗願言

得此稱輕爽宿諾今已期及瓜誓當布襪從此始上

下雲門還若耶

鐵笛行贈丁雲屋

斗牛之墟有伏龍寶氣夜起天爲虹雷公往矣不可
逢潭底高臥吟秋風忽羞珠宮薄且闕返形化作紅
爐雪背負七星雷吐舌五色石墮天驚裂何人攜此
過武亭眞仙東遊弭節聽知音千載空翠青猿啼鬼
哭烟冥冥華表雲深鶴一隻渺渺孤吟空八極左呼
盧阜老仙客右呼西風古禪伯江上暮雲寒蕭蕭梅
花未動楓葉彫紅尾鳳凰飛翠霄好去瑤臺吹玉簫

送鶴神

農夫相傳鶴神之屬三年若登天度歲則民有糧在地則否故作此以送之

元裳兮縞衣紛爾乘兮遄歸嗟我眊兮苦復苦穀懸於天兮麥在土爾之族兮類且多蠶爾食兮如眊何眊之憂兮來年眊爾天爾田天崇崇兮有虞皇之漿兮可飲樂莫樂兮爾還勿復來兮人間

精衛行

微禽負大恥勁氣橫紫冥口銜海山石意欲無滄溟滄溟茫茫雲正黑濤山峩峩護龍國假令借爾秦皇鞭驅令石頭填不得布囊盛土塞江流孫郎覽表笑

不休勞形區區讎浩渺志雖可尙難乎酬蓬萊有人
憐爾苦勸爾休休早歸去精衛精衛我亦勸汝歸滄
海自有變作桑田時

泊淮岸夜聞鬼語

北風行平林蘆葉響乾雨青燐走平沙獨夜鬼相語
沈吟乍幽咽怨哭倍酸楚遺鸞烏鵲飽滯魄狐兔伍
白骨委飛霜零落從草莽草死東風吹又生骨枯東
風吹不榮汝悲信悲不足語吾欲詰爾爾試聽君不
見劉項割鴻溝又不見孫曹戰赤壁回頭萬事曉雲
空石馬茫茫土花碧世間倘有長生藥薊子白雲丁

令鶴霸城相見悲銅狄華表歸來嘆城郭汝不見興
與衰又不憂寒與飢濠上之叟不汝斯汝有至樂爾
不知嗚呼人生何苦爾何樂人生羨汝不可學

以上
江西

徵詩

童潮 厲有

淵明故址

先生已歸來遺此折腰地不見督郵人祇聞解印事
徑花雖就荒臺月還留醉賦罷清流詩西疇春已至
勞渡

借問誰家舟孤橫勞渡水遠攜蓑笠來滿載暮煙紫

拍手唱滄浪沙鷗驚不起

以上江西詩徵

吳名揚

字叔瞻江西金谿人咸淳七年進士授迪功郎
吉州永豐尉文天祥起兵名揚踴躍赴義辟禮
部兵部架閣文字空坑之敗護部曲以歸元初
程鉅夫薦于朝名揚以書辭晚歲奉天祥主嚴對
終日采宋末遺事著野史四十卷以見志

詠史詩

讀書慕聖賢
視躬凜蒼昊
世事重且艱
一一縈懷抱
白日忽西頽
川枯山木槁
魯陽漫揮戈
杞國憂如擣

人或諉氣數我獨傷倫道海羽知啣石冥魂能結草
昂藏美衣冠豈忍同屠保成敗難逆料死生任常造
天心倘未厭努力書勲考

又

人生奚所羨功名上鐘鼎遭逢既不造俯仰烟林迴
非徒慕清高民彝藉彪炳夷齊臥首陽巢許嘯箕顓
風流遙可挹寸心常耿耿天地任否泰萬物聽昏惺
獨與鹿豕遊隨處饒清景石爛列屏幽泉涵一鑑靜
嗟彼採芝翁老被漢宮請

東鄉縣志

胡定

定餘干人咸淳七年進士

東山塢

一碧插禪局千年壓郡城
峩分日表孤聳礙雲行
夜靜藏鐘影天晴送鶴鳴
秋風丹桂發邑士好題名

江西
詩徵

陳紀

字景元東莞人咸淳九年鄉貢
宋季同兄庚偕
隱與趙必元歌詠著有越吟斐稿

甲辰元日

屋角雞聲一歲分
起搔吟髮惜芳辰
江山有恨英雄

老天地無私草木春柏葉又傾新歲酒梅花同是去年人東風著物無多少寫入清詩句句新

早秋有懷寄趙華顛

一葉井梧落微涼生瘦藤老兼秋共至衰與病相仍砌近蟲號枕簷疎雨翳燈薰爐對經卷清似住山僧夜夢遊野人家萬竹蒼寒老翁款留意甚真子題詩贈之一聯云與誰共住只明月所可論交惟此君覺乃足成亦夢中意也

一徑蒼寒長綠筠雞聲人語隔林聞與誰共住只明月所可論交惟此君世事乘除天已定人生勞逸念

中分卜鄰倘許通來往分我南山一片雲

粵詩
蒐逸

劉登辰

字規甫東莞人咸淳九年鄉貢入元不仕

赭衣春

赭衣春永巷酸風起暮杵聲聲碎妾心妾兒痛隔三
千里潮水歡迎骨肉恩子母再見無由緣誰將鶴羽
飲龍子晨臘上林如意死妾耳縱能聞妾目那能視
妾口縱能言妾足安能履白日改色天容愁未央宮
中桐葉秋堂堂豐沛龍準公三尺造漢烹英雄擊布
歸來尙無恙預置股肱如指掌明知慙勃可安劉何

爲存妾子母無良謀

粵詩
蒐逸

桂正夫

正夫貴溪人咸淳九年解試

贈桂琴隱先生

重賁衡門日盤餐愧負羈經年疏問道靜夜飽聽詩
近子覺形穢服車羞耳垂快哉過庭鯉咫尺鳳凰池

江西
詩徵

蔡郁

字西野蔡元定四世孫咸淳四年官雷州司理

宋亡家于東莞

奉寄文丞相

嗟哉此綱常一朝已散失臣豈無賢良君豈有慚德
君臣義未明大道致閉塞誰實篤忠貞矢志不可屈
先生眞英豪提戈呼叱咤一心收桑榆戎行瞻黼黻
間關五嶺南誓師存百粵仍有田一成足以張征伐
南陽戴真人足以興漢室天道豈無知爲此冠裳側
昨聞戰城南王師奮鐵鉞萬馬似羣羊鬪敗鼓聲竭
百年養士恩報之在朝夕多慚遲暮身涕淚望鄉國

粵詩
蒐逸

楊發

牙言十六
星子人咸淳十年進士官嶺南節度使

宿黃花館

孤館蕭條槐葉稀暮蟬聲隔水聲微年年爲客路無
盡日日送人身未歸何處離鴻迷浦月誰家愁婦擣
霜衣夜深不臥簾猶捲數點殘螢入戶飛

東流縣志古蹟

劉應季

字希泌號省軒建陽人初名榮登宋咸淳十年
進士調建陽主簿入元不仕退與熊退齋胡雙
湖講學於洪源山中者十有二年所造益深後
建化龍書院于莒潭聚徒講授學者雲集所編

事文類聚翰墨全書十集行世

上陳縣尹二首

舊尹龔熊負令名至今天日共清明案頭未有人稱
屈村裏全無吏敢行滿院茶香敲句穩一簾花影韻
琴清後之學者誰其似又說陳公政有聲

溫公宅子富公池并入堯夫戶不知百畝但添官裏
賦一編惟說橐中詩自憐老去無能役正恐兒成不
了癡有口尙能誇尹在莫教白髮困行移

元詩選

何希之

希之字周佐樂安人咸淳十年進士有雞肋集

送樂安教諭周亦山

他日聞京浙大夫山談道寺丞周宮講重望
遙隔風雨晚乃獲交其嗣亦山於荒山硯席
間議評商略反覆理竭珠璣咳唾俊墨淋漓
此咸淳以來貴游俊造所無也蓋其殖學織
文猶及接中朝人物故所樹立擺落世俗杏
陰濃錄瓜熟告行將乘扶搖負青天而上此
非尋常別也小詩贄情睠焉天末

獨佩傳家印芹宮一線春居然風月意笑郊簿書塵
溪水吾同味簷花道固貧迂寒從獻笑肯與俗爲鄰

垂晚相攜手飛談入理微前修推大雅晚輩際眞依
君去紆朱紱吾將老布衣相敦各千載別淚不須揮

江西
詩徵

陳叔信

臨海人咸淳十年進士

游龍隱巖

幾年鱗甲蟄清淵一旦飛騰石自穿遺迹漫存離舊
隱定應衝雨去朝天

洞口崑高着數椽秋鈴聽法護金仙騰身一躍天池
後雲霧于今尚滃然

宋詩拾遺

胡之純

金華人字穆仲邦直元孫咸淳十年進士踐履
如古獨行者文尤明潔與兄之綱從弟長孺稱
三胡云見金華縣志

□□□□

春風蒲柳曲江頭恨與春波不盡流鶯囀新聲啼綠
樹燕尋舊壘認朱樓百年驕豢吳兒晚一味清談晉
士休千古興亡惟有淚漫山花雨杜鵑愁

金華縣志

余宏孫

字升伯號白石湖南平江人咸淳十年鄉舉

和通山尹張松坡夢遊廬山吟

我行匡廬鬢青青往往大醉琵琶亭歸來老我二十
載惟有夢寐勞神形有時遍歷開先寺老僧禪定胸
胸睡有時經過五柳家秣香酒熟邀人醉恍兮惚兮
眞若飛高泊天池坐忘歸晴雲漠漠披絮帽白鶴冉
冉來羽衣方將殮霞煉顏色覺來無失亦無得何當
整理下澤車共逐雙鳬訪眞跡

和余天開見寄

春樹君方吟渭北林塘我已卜溪西賞心樂事優游
處花自飛飛鳥自啼 沅湘耆舊傳

吳語溪

語溪失其名□□人登宋咸淳十年進士第

贈退齋同年貢舉

看花攜手鬢俱青一轉頭來昨夢驚
四海同年今有幾相逢此日得無情
著書君已名千載廢學吾方悔
半生離合升沈何足計相期進德是功名

元詩選

宋詩紀事補遺卷七十六終

門下士烏程縣學生員李延達校